

Lied Obersee-Chuchi – Melodie «an der Nordseeküste» (getextet von Reini Kistler)

- 1 Mir Manne händ üs troffe ds Lache am See,
übers Hobby isch choche, was wämmer no meh
- 2 de Chef de muess poschtne und organisiere,
und mir andere tüend ds'Menu ganz gnau studiere
- 3 Dänn wird grüschtet und gschnätzlet, das ghört halt derzu,
Ja bim choche, bim choche, do git's immer viel ds'tue

Refrain

*Mir sind d'Obersee Chuchi, vo Lache am See,
übers Hobby isch choche, das chamer doch gseh*

- 4 De Ofe isch igheizt drum müemer pressiere,
Jetzt heisst's Täller vorwärme und schöön garniere
- 5 E Vorspiis, es Menue und en Dessert derbi,
und zum Trinke es feins Gläsli, ja so muess es si
- 6 Es git gnueg für alli, und d'Büch sind scho voll,
ja das Menue, das Menue das isch eifach toll

Refrain

*Mir sind d'Obersee Chuchi, vo Lache am See,
übers Hobby isch choche, das chamer doch gseh*

- 7 Abwäsche und putze das tüend mir dänn au,
fascht so suber und gnau wie jedi Frau
- 8 und simmer dänn fertig so gömmer gli hei,
mir ligged is Bett und strecked useri Bei
- 9 Guet Ässe und choche das tüend mir so gärn,
drum chömed mir wieder vo nah und vo färn

Refrain (4x wiederholend)

*Mir sind d'Obersee Chuchi, vo Lache am See,
übers Hobby isch choche, das chamer doch gseh*